

quuntur fimiles in *Epistolam Petri primam*, II. *Aug. finitis Canicularibus*, item *Scholia in Ecclesiasten*, 3. *Novembr.* Demum *Didata in Oseam prophetam*, anno 1535. II. *Jan.* Omnia bonae frugis plena et Veterum Glossis potiora. *Hungarus Sempronienfis* erat *Salzerus* noster, ingenio et industria e paupertate et aliorum Juvenum famulatio eluctatus ad D. *Stephani* Canonatum et omnes honores Academicos, atque tam vividae aetatis, ut post ipsum octuagesimum annum quater Rectoris fungeretur Officio, annumque demum secundum et nonagesimum, qui erat 1568. supremum haberet. Laudes ejus in *Ederi Catal.* ad an. 1523. in *Scriptt. Univ.* P. III. Sec. III. p. 51. Epitaphium, quod in Metropolitana habet, in *Locheri Speculo Acad.* p. 405. leguntur. Ego ipse Viri memoriam, uti tot aliorum Ejus Collegarum, quantum potui, cum in *Memorab. Bibl. Garell.* tum in *Hist. Typogr. Vienn.* ab oblivione vindicare studui, parum folicitus, quam ab ejus Posteris, in quorum gremium nunquam cooptatus fui, gratiam ineam.

CCLXXXIV.

R. 566 Codex membraneus lat. Sec. XV. Folior. nunc 53. 8. nitidissime exaratus, ut *Itali Amanuenses*, praecipue *Florentini* callebant, et literis initiorum deauratis et picturatis, quarum causa puerilis fortasse levitas folium primum avulfit, olim fuit *Joh. Fabri Ep. Vien.* *Denis Codd. Theol. V. II. P. I.*

et faltem in calce purpura inscriptus est: *Liber Sancti hylarij de Synodis contra omnes hereses.* Potius *De Fide Orientalium.* Incipit ἀκεφαλος ab iis verbis: *proxime vobis ex supermensio* (Syrmiensi) *oppido infidelis fidei impietatem non modo* (non) *suscepisse, sed nuntiata esse* (l. etiam) *significatamque dampnasse.* *Necessarium mihi ac religiosum intellexi ut nunc quasi episcopus episcopis uictum* (l. mecum) *in christo communicantibus &c.* Vides ἀποργαφον esse mendosi Codicis, aut Amanuensis digitis magis valuisse, quam intelligentia. Ne Titulus quidem ullus errore vacat. Ita ad *Fidem Syrmensem* legas possum pro per *Ofium*, ad *Antiochenam* similiter in *femias* pro per *Encaenias*, ad *Syrmensem* denique alteram *contra fontinum* pro *Photinum*. Extrema sunt: *Omouision græcum est. interpretatio omouision unius substantie et omoeouision. similis substantie. sed per omouision oportet intelligi.* Ast haec, ut recte observant Editores *Mauriani Opp. Hilarii Pictav. Paris.* 1693. col. 1206. f. non nisi adnotatio posterioris cujusdam Censoris esse videntur per recentiora Mss. didita, vetustioribus ignota.

CCLXXXV.

Codex membraneus lat. Sec. R. 3262 XII. Folior. 181. f. pereleganter exaratus et coloribus illustratus, litera quadra inscribitur: *Incipit Exameron Tractatus Sancti Ambrosij Archi Episcopi De Die Primo Conditionis Mundi.* Ita pro numero

mero dierum VI. *Libris*, non tamen in capita divisus, omnia prout Edit. *Maur. Paris. 1686. T. I. col. 1. f.* Initium est: *Tantumne opinionis assumpsisse homines &c. Lectio raro ab Editis abit. C. 1. ubi haec: quod ei mens divina, ut putant, inesse videatur, Codex re-ctius: inest.*

II. *fol. 95. Incipit De Paradyso Liber Primus.* Ita et in calce, quamvis scribendum erat *Unus.* Initium est: *Et plantavit deus paradysum &c. De paradyso adoriundus sermo non mediocrem estum &c. Ut T. cit. col. 145.* cujus lectio fortasse pluribus locis e Codice juvari possit, qui v. g. C. 1. pro *vir aliquis*, habet *vix aliquis*, item *Nunquid indigens eorum pro numquam*, item *in illo pacis future tempore degere pro in illo pacis futuri tempore absque degere &c.*

III. *fol. 120. Incipit De Cain & Abel Liber Primus.* Ita deinceps et *Secundus.* Initium est: *De Paradyso in superioribus pro captu nostro, ut potuimus &c. Ad finem L. II. nobis deest ultima περιοπη: Unde in lamech septuagies septies vindicatur &c. Lectio ad Edita T. cit. col. 183. non adfurgit; C. tamen 1. n. 3. facile videt lector inter verba Abel et qui omnia interponendum esse e Codice *Luctus.**

IV. *fol. 146. p. 2. Incipit Recapitulatio sancti Ambrosij de Paradyso et de fonte ac fluminibus et de Ligno Vite.* Scripsisset potius, ut fecit in calce, *Recapitulationes de Genesi*; non enim solus hic Liber, sed deinceps reliquus *Pentateuchus*, et Liber *Josue* pervadi-

tur allegoricis Expositionibus, et Quaestionum Resolutionibus. Et *Genesis* quidem ita incipit: *Plantaverat autem Dominus deus paradysum voluptatis a principio. Paradyus ecclesia est. Sic enim de illa legitur in canticis canticorum. Ortus conclusus es soror mea. A principio autem paradyus plantatur, quia ecclesia catholica a christo principe omnium condita esse cognoscitur. Fluvius de paradyso exiens imaginem portat christi de paterno fonte fluentis &c. Exodus incipit ita: Quod septuaginta anime ingressae sunt egyptum cum iacob. significat septuaginta discipulos &c. Leviticus ita: Diuersitates hostiarum que in ueteri testamento immolabantur dominice passionis imaginem figurauerunt &c. Recapitulationes biblicas ab Ambrosio editas nemo novit. Sed neque lectas esse ex Ambrosij Scriptis ab alio liquet; nullibi enim S. Doctor Paradysum dixit Ecclesiam, aut Christum fluvium de Paradiso exeuntem, aut septuaginta Animas totidem ejus discipulos, aut Mortes esse quatuor &c. Insuper et Stilus Autorem Ambrosio multo recentiorem sapit. Quis vero, et unde has Allegorias legerit, me peritiores dicent.*

CCLXXXVI.

Codex membraneus lat. Sec. R. 3288 XII. Folior. 137. f. luculente et bene perscriptus, rubricis distinctus, et olim *Monasterij Garstensis O. S. B. in Austria* superiore aliud Exemplar est *Ambrosij* mox relati *He-*